

ایکینجی سنه

نسخه ۲

نومرو : ۸

خزینہ اوراق

تاریخ ناسیعی

۱ مایس سنه ۱۲۹۷



مؤسسی

محمود جلال الدین



تاریخ طبع
ونشر
۱۲۹۹
ز. و

بو رساله ادبیه جمعہ ابرتسی کونلری چبقار

يول بولور خاطر محزونمه هر درلو خيال
 يالـكـز بيلديكم ذوق وصفادن غيري
 حاله آجيه رق ديدى مسجما بنـدن
 نه ديلرسن ديله داروى شفادن غيري
 دار غـربـته بن اول بيكس و تنهـايم كيم
 كيمسه آچـز قـومى باد صـبادن غيري
 هدف تير قضاسى اوز بونكش قدرك
 (فيضيا) كيمسه بولنمز فقرادن غيري
 فيضى افندى



برذات طرفندن

—

تاريخ رومى نه در ؟

تاريخ رومى اسكى روما قيصرى جوليوسك وضع
 ايلديكى تاريخ شمسى در دولت عثمانيه و روسيه و يونان
 حالا بوفضله لى تاريخى قوللانورلر .

اجمالا شرحى شويله كه روما بانيـدى روملوس بريلى
 اونه تقسيم ايتـش و ايام سالى ۳۰۴ كون اعتبار ايتـش:
 بوحساب هيچ بر فصل و موسمه مطابق دكل ايدى خلقى

پامپلیوس ایکی قسم دها علاوه ابتدی بریل اون ایکی
 ماه اولدی جولوس قیصر وقتنه دك پامپلیوس تاریخی
 قوللانلدی جولوس میلاد عیسی دن (علیه السلام) ۴۵ سال
 اقدم بریلی ۳۶۵ کون ۶ ساعت اعتبارله شمعی
 « تاریخ رومی » دیدیکمز حسابی یادکار براقدی حالبوکه
 برسال شمعی رصد ایلخانی نك تعیین ایلدیکی کبی ۳۶۵
 کون ۵ ساعت ۴۹ دقیقه: تاریخ رومی ده ایسه ۲۶۵
 کون ۶ ساعت عد اولنوب ۱۱ دقیقه فضله اعتبار
 اولمش اشته بوفضله دن درکه بوکونه قدر ۱۲ کوندن
 زیاده فضله خطاسی تجمع ایلدی تقویملریمز ده
 سالنامه لریمزده کورینان تاریخ رومی و تاریخ فرنکی نك
 ۱۲ کون فرقی شویان ایلدی کمز خطاء فضله دن تولد
 ایلش در .

تاریخ فرنکی نه در؟

اليوم اصطلاحزده « تاریخ فرنکی » دیدیکمز
 یوقاروده ذکر اوانسان تاریخ رومی نك تصحیح و اصلاح
 ایدلمش حسابی در فی ۱۵۸۲ میلادی (۹۹۰ هجری)
 پاپا اون اوچنجی غره غوری کوردی که حساب صحیح جه
 نقطه اعتدال ربیعی ۲۱ ماره راست کله جك ایکن
 تاریخ رومی به کوره ۱۱ ماره تصادف ایدیور بوضورتده

تاریخ رومی ده اون کون فضله وار-بوايسه سال رومی نك
 ۱۱ دقیقه فضله اعتبار ایدلسندن نشئت ایدیور
 بنابرین غره غوری «هر دردنجی ییل تاریخ رومی ده
 اولدیغی وجهله بر کون کیسه عد اولنوب شباط
 کالاول ۲۹ صایلسون فقط ۱۱ دقیقه فضله دن
 ۴۰۰ سنه ده اوچ کون قدر بر مدت بریکه جکندن
 بومدی ییدیرمک ایچون هر یوز سنه باشی کیسه اعتبار
 اولمایوب فقط دردنجی یوز سنه کیسه عد اولنسون»
 دیو تصحیح ایلدی سال شمسی حسابی خیط وخطادن
 قورتاردی و --۱۷ و --۱۸ و --۱۹ ده کیسه
 اولمایوب ---۲ و --۲۴ وهکذا هر درت یوز سال ده
 شباط آخرینه بر کون زیاده ایدلکه قرار ویرلدی همان
 تاریخ تصحیح ده - قتولک ملتله هپ قبول ایلدیلر دیگر
 خرسیتیانلردن کیمی فی ۱۶۹۹ وانکلیر فی ۱۷۵۲ ده قبول
 ایتدی عورطودوقسوس مذهبنده اولان یونان وروس
 وبلغار و بعض ارمنیان کویا یورطی حسابلرینی
 شاشیرماق بهانه لریله حالا قبول ایتدیلر.

غره غوری وقتنده شو ایکی تاریخ ییننده فرق
 ۱۰ وانکلیرک حین قبولنده ۱۱ کون ایدی شمعدیلرده
 ۱۲ کون اولدی کیده کیده ۱۳ و ۱۴ و ماه و سال

اولور اولیہ ایسہ فصول ومواسمہ توافق ایتیمان
 شواسکی تاریخ رومی قوللاتوب کیمتکده نه محسنات وار.
 تصحیح مزبور اولوقت بر سال شمسی بی ۳۶۵
 کون ۵ ساعت ۴۹ دقیقه اعتبار ایلدی رصدلک
 اثباته کوره بر سال شمسی ۳۶۵ کون ۵ ساعت
 ۴۸ دقیقه ۵۱ ثانیه ۶ ثالثه ایسده شوکسور جزئی
 فضله ده بآس یوق در زیر او کسرا و قدر جزئی که
 -- ۴ سال ده ۲ ساعت ۱۶ دقیقه ۲۳ ثانیه
 ۳۰ ثالثه دن عبارت: بوکسور تراکم ایدوبده بر کون فضله
 کورنمک -- ۴۲ ییل یدی سکز ماهه توقف ایدر.

سال میادی نه در؟

اصلی ترک و دینی خرسیتیان دیونیس نام راهبک
 (۵۳۲ سال میلادی) خرسیتیانلر ایچون وضع ایلدیکی
 سال شمسی در ابتداسی میلاد عیسی دن: راهب مرقومک
 حسابته کوره میلاد عیسی فی ۲۵ کانون اول سنه
 ۷۵۳ (از تاریخ روما)

مرقومک بو حسابنده ۷ کون تأخر خطاسی وار
 شرق خرسیتیانلری بو یا کلشی دخی تصحیح ایلدیلر شب
 میلاد عیسی بی ۲۵ (علیه السلام) کانون اول دن صایارلر.